

# (钦定)平定七省方略

北京中国书店印行



欽定剿平捻匪方略卷三百二 戊辰年

二月十二日 廣左宗棠奏言 臣於二月

中央民族  
學院圖書

馳抵直隸省郊駐營黃家莊一面與官文籌商

防剿機宜一面催趨軍裝採辦糧餉由高陽

相機進剿適准崇厚來咨捻逆游騎逼近青滄

津南喫緊旋據深州探報賊騎回竄州境距城

僅十餘里等語賊情狡詐難保非西南游駛牽

誤我軍仍逞其圖犯津滄之計臣抵高陽後如  
賊勢仍趨東路臣卽馳赴天津之北向南壓剿  
如賊由深州西南竄走卽檄程文炳自高陽急  
起追截臣亦由東北而西南督軍奮擊現已飛  
檄前敵各軍偵賊所向分道兜剿並力顧津南  
一帶臣旣親赴前敵督剿有人而保定省城屏  
蔽畿郊最關緊要官文現正料理前進臣勸其

少緩應否令其留鎮省垣之處出自

聖裁頃據稟報二月初四日郭寶昌與劉松山喜昌  
會軍進剿大獲勝仗偏賊向西南竄走是匪蹤  
又竄近深州青滄界內已無賊也奏入

上命軍機大臣傳諭左宗棠官文鄭敦謹曰捻逆在  
獻縣境內被官軍剿敗折向深州一帶竄擾劉松  
山郭寶昌喜昌等業經各率所部會合追擊左宗

棠卽著出省馳赴前敵嚴檄該將士等實力兜剿  
迅殄賊氛勿任匪蹤到處蹂躪青滄界內無賊東  
路情形稍鬆該大臣當由東北徧向西南痛將賊  
匪剿洗勿任回竄程文炳一軍卽飭由高陽一帶  
視賊所向節節進剿毋庸調赴大城任邱一帶春  
壽所部馬隊並山東新到之吉林黑龍江馬隊一  
千五百名著左宗棠官文飭春壽一併帶赴前敵

會勦官文卽著留駐省城嚴防北路並接濟前敵  
各營軍火糧餉勿令缺乏賊勢漸趨西南固關爲  
山右門戶防守緊要前諭官文酌撥唐訓方帶兵  
千名或另派得力兵將前往該處防守著卽懷遵  
前旨妥速辦理山西平定盂縣一帶並遼州各山  
路要隘著鄭敦謹迅速派兵堵扼以杜賊竄晉疆  
之路毋稍大意

同日都察院左都御史署山西巡撫鄭敦謹奏  
言臣於正月十四日馳抵山西省城將擒匪由  
陝竄晉情形詳細考覈查山西省西面河防自  
保德州至蒲州府以河曲保德吉州鄉甯等處  
爲要河保接連陝西之府谷神木一帶吉鄉接  
連陝西之宜川韓城一帶不可稍涉偏顧同治  
六年冬閒該省分定防守河岸地段以河曲保

德州岸責成大同鎮標協防凡屬內地文武兵  
勇概歸按察使陳湜調度由河保抵西北邊外  
河岸在防各鎮道等均歸綏遠城將軍調度陳  
湜先於蒲州府沿河之風陵渡駐紮督辦防務  
後因探知陝西捻股由同州府之白水縣竄入  
北山勢欲徑趨黃河圖犯晉境陳湜調忠字新  
舊兩營移紮永甯精銳一營移紮甯鄉親左一

營移紮大甯兼顧永和元字利字兩營移紮吉  
州亨字一營移紮鄉甯眞字一營填紮河津並  
咨調太原鎮總兵陳必友駐守吉州陳湜復親  
率馬步馳赴汾州居中策應追擒匪擾及陝西  
延安一帶該臬司以河保等處大同防兵較單  
復飭原調之忠字等八營由永甯滾營而上又  
分撥馬隊前往上游協防陳湜卽由汾州帶一

營取道省垣擬赴河保相機防堵並調駐紮蒲  
州之福字中左兩營前赴河保添紮守禦維時  
自河保沿河以南各要隘並派大同參將倭仁  
泰等各帶兵勇分段扼守其鄉甯駐兵二百五  
十名則以副將穆騰額督巡都司楊先登管帶  
此上年該省上下游籌防之情形也及陝西捻  
回竄擾鄜州延安攻陷綏德後葭州吳堡以北

接連神木一帶均有賊蹤該省以河保喫重祇  
顧上游河防乃十一月二十日吉州對岸宜川  
縣之馬家寨等處賊匪大股驟至二十一日賊  
於吉州之七郎窩龍王辿翻山而下猛撲冰橋  
總兵陳必友率利貞二營擊卻之二十二日賊  
匪乘夜搶過冰橋我軍衆寡不敵傷亡幾盡陳  
必友衝圍而出僅以身免賊遂徑撲州城當時

營取道省垣擬赴河保相機防堵並調駐紮蒲  
州之福字中左兩營前赴河保添紮守禦維時  
自河保沿河以南各要隘並派大同參將倭仁  
泰等各帶兵勇分段扼守其鄉甯駐兵二百五  
十名則以副將穆騰額督巡都司楊先登管帶  
此上年該省上下游籌防之情形也及陝西捻  
回竄擾鄜州延安攻陷綏德後葭州吳堡以北

接連神木一帶均有賊蹤該省以河保喫重祇  
顧上游河防乃十一月二十日吉州對岸宜川  
縣之馬家寨等處賊匪大股驟至二十一日賊  
於吉州之七郎窩龍王辿翻山而下猛撲冰橋  
總兵陳必友率利貞二營擊卻之二十二日賊  
匪乘夜搶過冰橋我軍衆寡不敵傷亡幾盡陳  
必友衝圍而出僅以身免賊遂徑撲州城當時

失陷陳湜聞報於二十六日夜帶同親兵馳往  
迎勦途中探知老湘卓勝兩營渡河追勦賊已  
於二十三日由吉州撲陷鄉甯復由鄉甯分爲  
兩股一股趨向平陽一股撲入稷山紛紛東竄  
擾及絳州太平襄陵北趨平陽洪洞一帶陳湜  
遂調元亨兩營扼守孝義親率中衛親兵右營  
越山徑達韓侯嶺以顧省城門戶十二月初五

日大股直撲趙城縣南之老黑達等三十餘村  
莊是日趙長齡帶標兵三百名出省南行擬紮  
韓侯嶺陳湜帶親右一營追至韓侯嶺南三十  
里之逍遙嶺駐紮正值劉松山郭寶昌兩軍過  
河自曲沃東北趨洪洞繞前截擊賊遂回竄至  
平陽城外經陳膺福及總兵陳必友帶兵出隊  
夾擊該逆復折而南趨初十日賊全股皆出封

門口入河南境此賊匪搶渡冰橋官軍戰敗及  
各軍堵剿之情形也臣查晉省辦理防務已歷  
數年當陝捻竄近沿河一帶該撫趙長齡宜如  
何嚴飭統兵員弁節節堵禦以杜逆賊窺伺乃  
因注意河保致吉鄉一帶兵力單薄遂令該逆  
乘機搶渡冰橋擾及腹地州縣雖駐防員弁兵  
勇竭力堵禦傷亡甚多並非立時潰散而平日

籌畫未能周詳故臨時顧此失彼迫經聞警出  
省又未能撥調兵勇迅速追剿以致賊勢蔓延  
實難辭咎總兵陳必友防守吉州河岸雖因賊  
勢分股猛撲兵勇傷亡力不能支衝圍而出追  
追賊平陽復能擊賊獲勝究之駐防吉州渡口  
是其專責乃守禦不力以致捻匪竄入厥咎尤  
重除趙長齡業經奉